



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXIII.

17. Septembris. 15. Cal. Octob.


urn:nbn:de:hbz:466:1-45314

nimirum anima nutriur, & ad impug-
nanda vitia roboratur.

S. BERNARDUS, ser. 7. de Adv.

Et faciles sumus ad seducendum
& debiles ad operandum, & fragi-
les ad resistendum. Si discernere
volumus inter bonum, deficimus; si
conamur resistere malo, dejicimur &
superamur.

Fragi-
litas
huma-
na.



17. Septembris. 15. Cal. Octob.

B. CASIMIRE Abbas Monasterii
Olivensis in Prussia: qui ab irruen-
tibus in eam regionem Barbaris, cum
toto filiorum cœtu immaniter truci-
datus victricem animam ad recipien-
dam in cœlis coronam emisisti. Irru-
unt in nos nocentiores omni barbarie ho-
stes è Luciferi castris; horum nequitia ne
mibi noceat, tua in conflictu auxilia im-
ploro.

Floruit
circa
annum
1224.

B. STEPHANE, Converse Claræ-
vallis: qui in illa totius sanctimonie
schola nihil animo tuo altiùs impressi-
sti; quàm Christi Servatoris primari-
um dogma: Discite à me, quia mitis
sum, & humilis corde. Licet enim di-
ligentiâ in laboribus, orandi fervore,
abstinentie maceratione, esses inter

Floruit
anno
1160.

L 13 primos

*Animi
demissio*

*in sui et
aliorum
æstima-
tione:*

*landa-
va à S.
Bernar-
do.*

primos, tua tamen animi demissio te infra ultimos deprimebat. Cujus despicientiæ tuæ gratissimum specimen aliquando sanctissimo Abbati Bernardo dedisti; cum ad ejus pedes provolutus madentibus oculis rogasti, ut sua te ope saltem eò proveheret in perfectionis studio, ne semper in postremo gradu cogereris hæerere: nam te præteritæ noctis vigiliis in unico confratre triginta singularia gratiæ supernæ dona per contemplationis examen deprehendisse, quarum omnium te vacuum doléas. Miretur fortasse aliquis piissimi Magistri censuram super his precibus tuis: sanè in publica concione dicere non dubitavit; præferre se humilem illam de te æstimationem triginta illis virtutum ornamentis, quæ tu in alio pia utilique curiositate observata illi enumeraveras. Exaltari meruit, juxta Divini promissi oraculum, tam profunda humilitas. Primam te extollendi machinam admoventur cœlestes Alites, qui animam tuam è corpusculi carcere suis alis ad sidera transferre sunt visi. Alteram addidère prodigia, quæ tumulum tuum plurima illustraverunt. *Quàm jucunda floreret ubique animorum pax & quies, si in nostras infirmitates non essemus tal-*


pa,

pe, in aliorum defectus lynces. Ego tecum oculos in me convertam, aspiciam utique sat gravia pondera, quæ spiritus in sublimè tendentes supprimant.

S. BERNARDUS, ser. 34. in Cant.

Oportet humiliter sentire de se, nitentem ad altiora; ne dum supra se attollitur, cadat à se, nisi in se firmiter per veram humilitatem fuerit solidatus.

Humilitas.



18. Septembris. 14. Cal. Octob.

B. VULCHINE Abbas & Auctor *Floruit*
 Monasterii Sichemensis in Saxonia. *anno*
 Vocabant ad hos labores te ex Vol. *1141.*
 kenrode nota pietatis tuæ merita,
 publico illic theatro dignitatis exponenda. Gaudebant eorum fructibus
 Conventuales filii, quos animarum &
 corporum nutrimento pavisti sollicitus: inde pauperum greges non solum *Fove*
 qui ad Monasterii januas opem flagi- *egenos.*
 tabant, sed quos vel malè tecta tuguriana vel xenodochia occultabant: tales enim studiosè perquisitos omni charitatis effusione fovebas. Et annuere cælum sancto fervori miracula testabantur, quæ manuum tuarum ministerio contingebant non rarò: quin &

L 14

afflicto.